

Th



59908

kat.komp


III

Mag. St. Dr.

P

Teol 4429

Wojewódzki Pauli Joani Quaestio theologia de
impassibilitate Christi Domini.



IN NOMINE DOMINI, AMEN.

QUÆSTIO THEOLOGICA,

*Ex 3tia parte Summa Theologica, Divi THOMÆ
Aquinatis, Doctoris Angelici quest. 15.*

DE IMPECCABILITATE
CHRISTI DOMINI,



PER

59908^{III}

M. PAVLVM IOANNEM
WOIEWODZKI,

In Alma Vniuersitate Cracouiensi,
Collegam Majorem, Sacræ Theologiæ Do-
ctorem & Professore, Ecclesiarum Collegiata-
rum, Florentiæ ad Cracoviam, Sancti FLORI-
ANI Custodem, Ecclesiæ Pilecensis Canoni-
cum, Cancellarium Lenczyciensem, in Ca-
thedrali Ecclesia Cracouiensi, in Arce Concionatorem,
pro Solennitatibus CHRISTI Domini, & Beatissimæ
VIRGINIS MARIÆ; Curatum Minogensem,

Publicè ad Disputandum,
in Augusta D. Jagellonis Aula,
Almæ Vniuersitatis Cracouiensis,
In Lectorio Dominorum Theologorum,

PRO LOCO
INTER CLARISSIMOS DOMINOS,
SACRÆ THEOLOGIÆ DOCTORES,
PROPOSITA.

SUPERIORUM PERMISSU.
Anno Dñi 1691. vi. Kalend. Septembris.

CRACOVIÆ, TYPIS VNIVERSITATIS. *Rp*

Q U Æ S T I O T H E O L O G I C A .

V CHRISTVS Dominus habens gratiam habituales, in ratione gratiæ infinitam, suâq; intensione totam gratiam Angelorum omnium simul sumptorum, & hominum superantem: omnis peccati fomite carens, de absoluta potentia, peccare potuerit; nec ne?

C O N C L U S I O I .

CHRISTI Domini gratia habitualis, quam habet in ratione gratiæ, infinita est.

C O R O L L A R I A .

- I. *Gratia Christi Domini, ut est accidens physicum, seu qualitas in subiecto recepta, non est infinita gradualiter seu intensivè.*
- II. *Humanitati Christi Domini, Gratia data fuit sine mensura.*
- III. *Gratia habitualis Christi Domini, in esse moris considerata, habens dignitatem moralem, à supposito Verbi Divini, cui conjungitur, infinita dici debet.*
- IV. *Gratia habitualis Christi Domini, triplici titulo dici debet infinita; primò moraliter. secundò extensivè. tertio prout habet totam plenitudinem & intensiorem, quæ de potentia DEI ordinaria, possibilis est.*
- V. *Gratia habitualis Christi Domini, potest dici infinita simpliciter, secundum quod simpliciter idem est, ac absolutè & sine addito.*

C O N C L U S I O II .

G Ratia habitualis Christi Domini sua intensione, superat totam gratiam, omnium Angelorum simul sumptorum & hominum.

COROL-

COROLLARIA.

- I. Datur in Christo Domino, plenitudo gratiæ, tam intensiva, quam extensiva, secundum potentiam DEI ordinariam.
- II. In Christo Domino, reperitur plenitudo gratiæ tenens se ex parte subiecti, & ex parte ipsius gratiæ.
- III. Anima Christi Domini, gratiam recepit, ut ex ea quodam modo transfunderetur in alios.
- IV. Anima Christi Domini habuit gratiam ad omnes operationes, vel effectus gratiæ.
- V. Plenitudo gratiæ formalis, est propria Christo Domino; non verò plenitudo subiectiva.

CONCLUSIO III.

In CHRISTO Domino fomes peccati nullus fuit.

COROLLARIA.

- I. Quamvis in Christo Domino fuerit appetitus sensitivus: non fuit tamen sic dispositus & expeditus, ut posset exire in actum contrarium rationi, & inclinare ad peccatum.
- II. Nec de potentia Dei absoluta, potuit esse fomes peccati in Christo Domino: sive per modum actus primi, sive per modum actus secundi.
- III. Verbo Divino, ratione Unionis humanitatis ad ipsum, incumbat obligatio specialiter gubernandi humanitatem, nedum ut rationalem: sed etiam ut sensitivam.
- IV. Verbum Divinum, solum assumpsit illos defectus, qui ordinari possunt, ad satisfaciendum, pro peccato generis humani.
- V. Motus inordinati appetitus, pugnant essentialiter cum unione hypostatica: vel ratione summe sanctitatis: vel ratione obligationis, quam fundat in Verbo, ut DEO, predictos motus vitandi.

CONCLUSIO IV.

CHRISTUS Dominus etiam de potentia absoluta peccare non potuit.

COROLLARIA.

- I. Humanitas Christi Domini ex vi unionis hypostaticæ, est omnino & absolutè impeccabilis.

- II. Operationes Christi Domini, juxta SS. Patres, non possunt esse peccata; quia sunt actiones Theandrica.
- III. Humanitas Christi Domini, ex unione ad Verbum precise, coniuncta est immobiliter primæ Regula, recta operationis.
- IV. Unio hypostatica, nedum cum peccato gravi, quale est mortale: sed etiam cum culpa levi, qualis est venialis, impossibilis est.
- V. Etiam si humanitas Verbo unita trahat ex Adamo originem per seminalem propagationem; non trahit tamen peccatum originale.

Soli DEO Honor & Gloria.



SVB FELICISSIMIS AVSPICIIS,
Magnifici, Perillustris, & Admodum Rñdi Domini,
D. M. FRANCISCI IOSEPHI
PRZEWOSKI,
 S. Th: Doctoris & Professoris, Collegæ
 Majoris, Ecclesiarum Collegiatarum, SS. Omnium
 Crac: PRÆPOSITI, Scholastici Cureloviensis, ad S.
 FLORIANVM Canonici, Korczyen: Curati, Librorum
 per Diocesim Crac: Ordinarij Censoris, Canonizationis
 Beati IOANNIS CANTII, Procuratoris, Contubernij
 Hierosolymitani Provisoris, S. R. M. SECRETARII,
 ALMÆ VNIVERSITATIS CRACOVIENSIS,
 Generalis, & Vigilantissimi
R E C T O R I S.



J. XXIII. 20.

